

Lesoni 6: Solisoli ni Yalo Tabu

A. A i solisoli duidui eso ni Yalo Tabu

1. 1 Koronica 12:1, 11 Na cava na ka era tautauvata kina na vei duidui es oni Yalo Tabu? (e tiko talega e so na I solisoli lasu)
2. 1 Koronica 12:7 Na cava na ka bibi e vakaraitaka tiko eke ko Paula? (raica 1 Pita 4:10-11)
3. ME da raica mada e so na I solisoli vakayalo ka solia na Yalo Tabu: 1 Koronica 12:8-10, 28-30, Efeso 4:11-13, Roma 12:6-8 Na cava na ka eda vulica rawa mai na veisolisoli vakayalo oqo?
4. Na gauna cava o sa vakila kina na I solisoli vakayalo ka solia vei ikon a Yalo Tabu?
5. E kila rawa vakacava na tama a na nona I solisoli?

B. Duavata ena veika duidui

1. 1 Koronica 12:4-6 Na vosa cava e cavuti vakawasoma eke? Na cava na vuna?
2. 1 Koronica 12:12-18 E vakatakila vakacava o Paula na nnoda duavata ena veika duidui?
3. 1 Koronica 12:19-27 Na cava na ka e laveta cake tiko ko Paula eke?
4. Na cava na vuna e yaga kina me kilai ni da cakacaka vata tiko; sega ni veisisivi tiko?

C. Na i solisoli levu duadua ni Yalo Tabu

1. 1 Koronica 12:31 Na cava na ka usasivi cake ka cavuta tiko eke ko Paula? (raica talega 1 Koronica 13:13)
2. Na vosa ka vakayagataki eke me loloma ena 1 Koronica 13 na *agapé*. Na cava mada ko kila me baleta na loloma ka vakatokai ena vosa na *agapé*?
3. E vakamacalataka vakacava o Paula na I solisoli ni loloma oqo ka vakatokai me *agapé*? 1 Koronica 13:1-8a
4. Eda na rawa ni vakasinaiti vakacava ena loloma oqo ka vakatokai me *agapé*? Roma 5:5, Luke 11:13
5. Na cava na vuna e rui yaga kina na me vakayataki ena loloma ka vakatokai na *agapé* na noda vakayagataka na I solisoli ni Yalo Tabu?

D. Nai solisoli vakayalo ni vosa tani kei na parofisai

1. Eda raica votu ni ra laveta cake ga vakawasoma na I soqosoqo lotu mai Koronica na I solisoli ni vosa tani.
2. Na cava na ka e veivakasalataki kina ko Paula me baleta na vakayagataki ni I solisoli oqo ni duivosavosa? 1 Koronica 14:1-5, 6-19, 20-27
3. Na cava na I vakasala raraba nei Paula me baleta na I solisoli ni duivosavosa kei na yaga ni parofisai? 1 Koronica 14:39-40
4. E dina ni cavuti vakawasoma na duivosavosa ena vuqa tale na veitikina era kumuni kina na vei solisoli eso, na cava e laveta cake tiko o Paula ena 1 Koronica 12:30? (raica 1 Koronica 12:11)
5. E vei na vanua e vakaraitaki kina ena lotu taumada na I solisoli ni vosa tani? Cak 2:1-13, 19:1-8
6. Wasea e dua na gauna ka solia kina nag alala ki vei iko mow asea na I tukutuku kei Jisu ena vosatani?